



Koko le katse ya gagwe Kali

Sepedi

Pandelani Claudine Rambau



Koko le katse ya gagwe Kali

Mongwadi ke Pandelani Claudine Rambau
Moswantšhi ke Heidel Dedekind



Phetolelo ya puku go Sepedi e dirilwe ke Maureen Ramusi

Ka letšatši le lengwe ge Koko o be a kgokgoša mafela, katsana e ile ya tla. Katsana e be e na le mebala ye mešweu le ye meso.

Koko o be a sa tsebe moo katsana e tšwago gona, a dumelela katsana go batamela kgauswi le yena.



Koko a bitša katsana, a re “Kali, Kali!”
Katsana ya araba ka miauu!
Ge e batamela go Koko ka mosela wa
yona wa go emelela moyeng.
Koko a kuka katsana, a re, “Kali! Kali!”





Koko o ile a lemoga gore Katsana ye e be e swerwe ke tlala, a duba bogobe ka maswi. A e fa dijo ya ja gomme ya khora. Ka morago ga go ja, Kali ya robala kgauswi le koko.

Ka matšatši a mangwe, Koko o be ahlakantšhetša katsana ya gagwe bogobe le moro.

O be a efa Kali marapo gore e hlahune. Kali ya se sa boela morago ga gabo yona. Bošego, Kali e be e robala ka ntlong ka tlase ga tafola.





Kali e ile ya gola ya ba katse ye kgolo.
Ka letšatši le lengwe Kali ya bolaya legotlo
leo le bego le le ka ntlong. Koko o be a
thabetše gore Kali e bolaile legotlo.
Magotlo ao a be a hlotšwe ke mafela ao
koko a bego a a beile ka masakeng ka
gare ga ntlo.



Koko a rekela Kali bolaonyana bja
katsana gore e robale go bjona.
A be a e rekela lepayana, gore e se
kwe phefo. Kali ya thoma go robala ka
phapošing yeo go bego go bewa mafela.
Mafelelong a beke ye tee, Kali e be
e bolaile magotlo.



Ge dikolo di tswalelwa, Onalerena, Lefa,
Kagi le Lebo ba ya go etela koko.
Bana ba ipshina ka go raloka le Kali.
Kagi o be a ipshina ka go fepa katse.

Ka letšatši la Krisemose, Kali o ile a fiwa
dijo tše ntši. Ka letšatši leo, Kali e jele
nama fela ka ge e be e le ye ntši.
Kagi a leka go fa katse malekere le
ditšhipisi, eupša ya se ke ya di ja. O be
a sa tsebe gore katse ga e je malekere.





Beke ya ka morago ga Krisemose, batho ba ile ba reka dikhirikete.

Letšatši pele ga Ngwaga wo Moswa, go be go bontšhwa dikhirikete dintlong tše mmalwa. Go be go na le legoa la godimo le lethabo. Kali ya kitimela go yo iphihla ka tlase ga bolao.

Mosong koko a ya go nyaka Kali.
A e bitša eupša a seke a e hwetša.
Koko a tsoša bana gore ba thuše go
nyaka Kali. Ba lebelela moo e dulago e
robala gona eupša ba se e hwetše.





Kali e hweditšwe e iphihlile ka tlase ga
bolao. Koko a goeletša, “Kali! Kali!”
a e kukile. Koko a re dimpša le dikatse di
tšhošitšwe ke dikhirikhete.
Kali e be e thabile ka gore dikhirikhete di
be di fedile.

DITEBOGO

Mongwadi ke i

Pandelani Claudine Rambau

Moswantšhi ke

Heidel Dedekind

Molekodi ke 1

Mukondeleli Constance Nemahe

Molekodi ke 2

Ndivhuwo Mulaudzi

Mohlami ke

PixelPing Design

Mofetoši wa puke ke

Maureen Ramusi

Motsinkedi wa puku ke

Makoma Phatudi



ISBN 978-0-638-00706-0



basic education

Department:
Basic Education
REPUBLIC OF SOUTH AFRICA

